

Uputstvo za sudjelovanje u programu "Elektrifikacija vašeg voznog parka"

Pregled programa

Agencija za transport sa zadovoljstvom najavljuje pokretanje programa „Elektrifikacija vašeg voznog parka“, osmišljenog da potakne elektrifikaciju transportnih sredstava i smanji negativan uticaj na klimu od strane komercijalnih, opštinskih i neprofitnih voznih parkova. Ovaj program poticaja će pomoći vlasnicima preduzeća da finansiraju zamjenu vozila koja imaju motore s unutrašnjim sagorevanjem (SUS-motor) na ekološki prihvatljivija električna vozila s punjenjem iz elektro mreže ili da izbjegnu dopunu svog voznog parka vozilima s SUS-motorima. U kombinaciji s drugim poticajima na federalnom nivou, državnom nivou i nivou elektroprivrednih preduzeća, vlasnici voznih parkova, koji ispunjavaju uslove programa, mogu uštedjeti hiljade dolara na ekološki čistim vozilima.

Usklađenost sa zahtjevima programa

Ovaj program bespovratnih sredstava u iznosu od 500.000\$ dostupan je svim vlasnicima komercijalnih, opštinskih i neprofitnih voznih parkova koji su registrovani u državi Vermontu, u cijeloj državi prema redoslijedu zaprimanja prijava za učešće.

Nagrade će biti obezbijeđene u obliku nadoknade u iznosu do 2.500\$ za svako zamjensko transportno sredstvo s SUS-motorom ili električno vozilo kupljeno umjesto njega, uz maksimalno 20 poticaja po svakom voznom parku za vrijeme trajanja programa. Neprofitne organizacije za usluge prevoza, koje pružaju alternativnu vrstu prevoza stanovnicima Vermonta, imaju pravo da dobiju do 5 dodatnih poticaja u iznosu od 5.000\$ uz 15 poticaja u standardnom iznosu od 2.500\$.

Ovo finansiranje može se koristiti za kupovinu ili iznajmljivanje električnih vozila s punjenjem iz elektro mreže ili drugih opcija voznog parka koje ispunjavaju uslove iz programa, uključujući električne bicikle, teretne električne bicikle, adaptivne električne bicikle, električne motocikle ili električne motorne sanke.

Podnosioci zahtjeva moraju dokazati da će finansirana vozila doprinijeti smanjenju emisija stakleničkih plinova.

U okviru ovog programa poticaja, podnosilac zahtjeva mora posjedovati sva vozila kupljena ili iznajmljena na najmanje dvadeset četiri (24) mjeseca, i moraju uložiti razumne napore da se ta vozila preprodaju salonima automobila koji učestvuju u MileageSmart-u, državnom programu poticaja koji stanovnicima sa odgovarajućima prihodima pruža mogućnost kupovine polovnog automobila.

Postupak podnošenja zahtjeva

Da bi se prijavili za program "Elektrifikacija vašeg voznog parka", vlasnici voznog parka moraju popuniti online obrazac za prijavu. Prijave će razmatrati komisija u čiji sastav ulaze zaposlenici Agencije za transport. Podnosioci zahtjeva će zatim biti kontaktirani telefonom radi verifikacije, kako bi mogli potvrditi da ispunjavaju uslove i dostaviti dokumentaciju koja to potvrđuje. Svim podnosiocima zahtjeva se savjetuje da se pažljivo upoznaju s Obavještenjem o mogućnosti finansiranja (NOFO), Uputstvom za učešće u programu i dopunskim resursima za podršku i finansiranje poticaja za elektrifikaciju voznog parka, navedenih na web stranici [Agencije za transport](#).

Ako ne govorite engleski i potrebna vam je pomoć u prevođenju, obratite se Agenciji za transport putem e-maila: AOT.climate@vermont.gov, kako biste imali dostup uslugama usmenog i pismenog prevođenja koje pruža država. Ostavite svoje ime, broj telefona i e-mail adresu kako bismo vas mi i prevodilac mogli kontaktirati tokom radnog vremena od 08:00 do 16:30 sati.